



Հաստատված է

«Ճարտարապետության և շինարարության Հայաստանի ազգային համալսարան» հիմնադրամի գիտական խորհրդի 2024 թ. հուլիսի 10-ի նիստում Արձանագրություն № 01-07/24 Գիտական խորհրդի նախագահ, ռեկտոր՝

Մ.Գ. Բարսեղյան

ԿԱՆՈՆԱԿԱՐԳ

ՀԱՄԱԼՍԱՐԱՆԻ ԲԱԿԱԼԱՎՐԻԱՏԻ ԸՆԴՈՒՆԵԼՈՒԹՅԱՆ ՆԵՐՔՈՒՀԱԿԱՆ ՔՆՆԱԿԱՆ ԱՌԱՐԿԱՆԵՐԻ ՆԱԽԱՊԱՏՐԱՍՏԱԿԱՆ ԼՐԱՑՈՒՑԻՉ ԴԱՍԸՆԹԱՑՆԵՐԻ ԿԱԶՄԱԿԵՐՊՄԱՆ ԵՎ ԻՐԱԿԱՆԱՑՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. «Ճարտարապետության և շինարարության Հայաստանի ազգային համալսարան» հիմնադրամի (այսուհետ՝ համալսարան) բակալավրիատի ընդունելության ներբուհական քննական առարկաների նախապատրաստական լրացուցիչ դասընթացների կազմակերպման և իրականացման կանոնակարգը (այսուհետ՝ կանոնակարգ) մշակված է «Կրթության մասին», «Բարձրագույն և հետբուհական մասնագիտական կրթության մասին» Հայաստանի Հանրապետության օրենքների, Հայաստանի Հանրապետության կառավարության 2015 թվականի սեպտեմբերի 10-ի «Լրացուցիչ կրթական ծրագրերի կազմակերպման և իրականացման կարգը, ինչպես նաև ոչ ֆորմալ և ինֆորմալ ուսուցման արդյունքների գնահատման և ճանաչման կարգը սահմանելու մասին» N 1062-Ն որոշմամբ հաստատված կարգի, համալսարանի կանոնադրության և այլ իրավական ակտերի հիման վրա:

2. Նախապատրաստական լրացուցիչ դասընթացը վճարովի հիմունքներով լրացուցիչ կրթական ծրագիր է, նախատեսված է այն դիմորդների (այսուհետ՝ ունկնդիր) համար,

ովքեր ցանկանում են պատրաստվել համալսարանի ընդունելության ներբուհական քննություններին:

3. Սույն կանոնակարգով սահմանվում է համալսարանի բարձրագույն կրթության առաջին աստիճանում՝ բակալավրիատում, ընդունելության ներբուհական քննական առարկաների նախապատրաստական լրացուցիչ դասընթացների կազմակերպման, իրականացման և ուսուցման, գիտելիքների ընթացիկ ստուգման գործընթացները, ինչպես նաև դասընթացներին ունկնդրի մասնակցության պայմանները:

4. Սույն կանոնակարգով սահմանված նախապատրաստական լրացուցիչ դասընթացների նպատակն է լրացուցիչ կրթական ծրագրերի միջոցով համալսարան ընդունվելու մատչելիության ապահովումը, ընդունելության ներբուհական քննական առարկաներից գիտելիքների և կարողությունների, ինչպես նաև ունկնդրի մասնագիտական կողմնորոշման, տեսողական ընկալման, ստեղծագործական ունակությունների, հմտությունների զարգացումը:

2. ՆԱԽԱՊԱՏՐԱՍՏԱԿԱՆ ԼՐԱԳՈՒՑԻՉ ԴԱՍԸՆԹԱՑՆԵՐԻ ԿԱԶՄԱԿԵՐՊՈՒՄԸ, ԻՐԱԿԱՆԱՑՈՒՄԸ ԵՎ ՈՒՍՈՒՑՈՒՄԸ

5. Նախապատրաստական լրացուցիչ դասընթացները կազմակերպվում են համալսարանի ընդունելության ներբուհական քննությունների բովանդակությանը և առարկայական չափորոշիչներին համապատասխան: Նախապատրաստական լրացուցիչ դասընթացներն իրականացվում են սահմանված ծրագրերով և ժամանակացույցով:

6. Նախապատրաստական լրացուցիչ դասընթացների կազմակերպման և իրականացման տևողության, ժամանակացույցի, մասնակիցների կողմից ներկայացվող անհրաժեշտ փաստաթղթերի, դասընթացի վճարի վերաբերյալ հայտարարությունը տեղադրվում է համալսարանի պաշտոնական կայքում:

7. Նախապատրաստական լրացուցիչ դասընթացներն իրականացվում են երկու փուլով: Ունկնդրի նախապատրաստական խմբի առաջին փուլի դասընթացի ուսուցման լրացուցիչ կրթական գործընթացի տևողությունը 4 (չորս) ամիս 2 (երկու) շաբաթ է:

Նախապատրաստական լրացուցիչ դասընթացները կազմակերպվում են կրթական առարկայական ծրագրերին համապատասխան՝ շաբաթական 2 (երկու) օր՝ յուրաքանչյուրը 120 րոպե տևողությամբ:

8. Նախապատրաստական լրացուցիչ դասընթացները կազմակերպվում են համալսարանում առկա ուսուցման ձևով, խմբային ձևաչափով՝ լսարանային պայմաններում: Յուրաքանչյուր խմբում ընդգրկվում են 6-12 ունկնդիր, որով ապահովվում է անհատական մոտեցում և արդյունավետ ուսուցում: Յուրաքանչյուր խումբ ունի դասընթացների մասնակիցների հաճախումների հաշվառման և այլ նշումների մատյան:

9. Նախապատրաստական լրացուցիչ դասընթացների ծրագրերը ներառում են ուսուցման հետևյալ հիմնական առարկաները՝

- 1) Գծանկար,
- 2) Կոմպոզիցիա,
- 3) Գծագրություն,
- 4) Մաթեմատիկա (Գիտելիքի, ստեղծագործական կարողությունների թեստ),
- 5) Գծագրություն (Գիտելիքի, ստեղծագործական կարողությունների թեստ):

10. Նախապատրաստական լրացուցիչ դասընթացներն իրականացվում են առարկայական ծրագրերին և ուսումնական գործընթացի ժամանակացույցին համապատասխան, ունկնդրի կարիքի գնահատմամբ, որն անհրաժեշտության դեպքում իրականացվում է ունկնդրին ուղղված հարցաշարի պատասխանների միջոցով:

11. Նախապատրաստական լրացուցիչ դասընթացներն իրականացվում են համալսարանի համապատասխան ամբիոնների մասնագետների՝ ամբիոնի վարիչի առաջադրմամբ, մասնագիտական կրթություն և բարձր որակավորում ունեցող դասախոսների կողմից: Յուրաքանչյուր դասախոս վարում է դասընթացի մասնակիցների հաճախումների մատյանը, որում յուրաքանչյուր օրվա դասընթացի համար կատարում է նշումներ դասընթացի թեմայի և դասընթացին՝ ունկնդիրների մասնակցության (հաճախումների) մասին: Երեք և ավելի անհարգելի բացակայության դեպքում տեղեկացվում է ունկնդրին, անչափահաս ունկնդրի դեպքում՝ նրա օրինական ներկայացուցչին՝ բացակայության հետևանքների մասին:

12. Նախապատրաստական լրացուցիչ դասընթացներին մասնակցող ունկնդրի համար կազմակերպվում են ստացած գիտելիքների ընթացիկ գնահատում:

3. ՄԱՍՆԱԿՑՈՒԹՅՈՒՆԸ ՆԱԽԱՊԱՏՐԱՍՏԱԿԱՆ ԼՐԱՑՈՒՑԻՉ ԴԱՍԸՆԹԱՑՆԵՐԻՆ

13. Նախապատրաստական լրացուցիչ դասընթացներին կարող են մասնակցել միջնակարգ կամ միջին մասնագիտական լրիվ կրթություն ունեցող շրջանավարտները, միջնակարգ կրթության կրթական աստիճանի 10-րդ, 11-րդ և 12-րդ դասարանների սովորողները, ինչպես նաև բոլոր նրանք, ովքեր ցանկանում են ընդունվել բուհ:

14. Յուրաքանչյուր ուսումնական տարվա բակալավրի ընդունելության ներբուհական քննական առարկաների համար կազմակերպվող նախապատրաստական լրացուցիչ դասընթացների վճարների, դասընթացները վարող դասախոսների վարձատրության չափը և առարկայական ծրագրերը սահմանվում է համալսարանի գիտական խորհրդի որոշմամբ:

15. Նախապատրաստական լրացուցիչ դասընթացներին մասնակցելու համար ունկնդիրը կամ նրա օրինական ներկայացուցիչը, կամ նրա կողմից լիազորված անձը համալսարանի ընդունելության բաժին է ներկայացնում հետևյալ փաստաթղթերը.

1) Անձը հաստատող փաստաթղթի լուսապատճենը, օրինական ներկայացուցչի դեպքում՝ դիմողի ծննդյան վկայականի, օրինական ներկայացուցչի, լիազորված անձի դեպքում՝ լիազորողի և ներկայացուցչի անձը հաստատող փաստաթղթերի լուսապատճենները և լիազորագրի բնօրինակը,

2) Նախապատրաստական լրացուցիչ դասընթացի վճարման անդորրագիրը (պարտադիր պետք է լրացվեն հետևյալ տվյալները՝ ունկնդրի անունը, ազգանունը, հայրանունը և դասընթացի անվանումը):

16. Նախապատրաստական լրացուցիչ դասընթացներին մասնակցելու համար համալսարանը յուրաքանչյուր անչափահաս ունկնդրի օրինական ներկայացուցչի հետ կնքում է պայմանագիր: Պայմանագիրն ուժի մեջ է մտնում կողմերի ստորագրելու պահից

և գործում է մինչև ունկնդրի նախապատրաստական լրացուցիչ դասընթացի՝ ծրագրով նախատեսված ուսումնառության ավարտը:

17. Ներկայացված փաստաթղթերի ընդունումից և պայմանագրի ուժի մեջ մտնելուց հետո ուսումնառության ընթացքում դիմորդները համարվում են համալսարանի ունկնդիրներ:

18. Նախապատրաստական լրացուցիչ դասընթացներին մասնակցող ունկնդիրն իրավունք ունի՝

- 1) ստանալ որակյալ կրթություն՝ համաձայն ընտրված ուսուցման ծրագրի,
- 2) մասնակցել համալսարանում դասավանդվող նախապատրաստական խմբի այլ դասընթացներին,
- 3) համաձայնագրով ավելացնել դասընթացի լրացուցիչ առարկա,
- 4) անվճար օգտվել համալսարանի գրադարանից, բուժսպասարկման ծառայությունից,
- 5) իրականացնել Հայաստանի Հանրապետության օրենսդրությամբ և համալսարանի կանոնադրությամբ սահմանված այլ իրավունքներ,

Ունկնդիրը պարտավոր է՝

- 1) մասնակցել նախատեսված նախապատրաստական լրացուցիչ դասընթացներին, սահմանված ժամկետներում կատարել բոլոր առաջադրանքները, մասնակցել գիտելիքների ստուգման գործընթացներին,
- 2) բացառել դասերից անհարգելի բացակայությունը, իսկ անհրաժեշտության դեպքում ներկայացնել հիմնավորող տեղեկանք,
- 3) հոգատարությամբ և խնամքով վերաբերվել համալսարանի գույքին ու տեխնիկական սարքավորումներին,
- 4) համալսարանի հետ կնքված պայմանագրի համաձայն՝ սահմանված կարգով և ժամկետներում վճարել նախապատրաստական լրացուցիչ դասընթացների վճարը,
- 5) կատարել Հայաստանի Հանրապետության օրենսդրությամբ և համալսարանի կանոնադրությամբ սահմանված այլ պարտականություններ:

19. Ունկնդիրը քննություն չի հանձնում նախապատրաստական լրացուցիչ դասընթացներին մասնակցելու համար, ինչպես նաև դասընթացներն ավարտելուց հետո:

20. Ունկնդիրը նախապատրաստական լրացուցիչ դասընթացներին մասնակցելու համար վարձավճարը վճարում է համալսարանի բանկային հաշվին անկանխիկ՝ համալսարանի հաշվարկային հաշվին մուտքագրելու միջոցով: Նախապատրաստական խմբի դասընթացների ծրագրով կրթական ծառայությունների վճարումը կատարվում է ըստ ամիսների հավասարաչափ յուրաքանչյուր ամիս՝ տվյալ ամսվա մինչև ամսվա 5-ը:

21. Պայմանագրով սահմանված ժամկետում նախապատրաստական լրացուցիչ դասընթացների վճարը չվճարելու, կապը խզելու և այլ հիմնավորող փաստերի դեպքում համալսարանն իրավունք ունի դադարեցնել ունկնդրի մասնակցությունը ուսումնական գործընթացին և լուծել պայմանագիրը:

ԵԶՐԱՓՈՒԿ ԴՐՈՒՅԹՆԵՐ

22. Սույն կանոնակարգը հաստատվում, փոփոխվում և լրացվում է համալսարանի գիտական խորհրդի որոշմամբ:

23. Այն հարցերը, որոնք չեն կարգավորվում սույն կանոնակարգով, կարգավորվում են Հայաստանի Հանրապետության օրենսդրությամբ:

24. Սույն կանոնակարգն ուժի մեջ է մտնում համալսարանի ռեկտորի ստորագրությամբ հաստատվելուց և համալսարանի կայքում հրապարակվելուց հետո՝ տասներորդ օրը:

Գիտական քարտուղար

10-ը հուլիսի, 2024թ.

Գիտական խորհրդի որոշում № 01-07/24



Լ.Հ.Լևոնյան